

補五代史藝文志
漢射陽石印畫象彙攷

目34.8

892.1

部



登录号

线 88P2

函 訂 1 册

補五代史
藝文志

鄧子翬書

光緒丁酉

晦齋刊印

昔江文通言修史之難無出于志予謂讀史之要亦無出于志然若三國若南北之梁陳齊周諸史志胥闕如雖宋書能見三國之志隋書能見梁陳齊周之志然讀史者猶有憾焉是以國朝以來續史志者往往而有嘉定錢氏陽湖洪氏其最著也而吾鄉倪鴻博雁園顧先生秋碧亦頗有著錄率皆補藝文者多案藝文一志所關甚鉅古書遺亡先儒撰述悉于是乎在自明史出而前代編簡弗傳矣秋碧先生沿是例以成此書雖未能具詳往籍然亦足顯當時作者之盛仍郁郁乎亂世而無閒也光緒丁酉冬十一月江甯傅春官荅生識于

晦齋

補五代史藝文志序

學校者國家之矩範人倫之基址也唐末大亂干戈相
尋海寓鼎沸斯民不復見詩書禮樂之化而橋門璧水
鞠爲茂草一時稱王稱帝者狗偷鼠竊負乘致戎何暇
馳驅藝文之林攬轡道德之府彬彬郁郁久道化成乎
蓋圖書之厄至此極矣天祐斯文不絕如縷其時深心
好古之士摧鋒幕府對揚王庭莫不截楮晨鈔然脂暝
誦蜀母昭裔創爲鏤板遂有九經文選之刻而楚天策
學士彭玕亦遣人入洛訪求石經天成中仿唐石經製
作印板於國子監其後屢下購書之令至廣順中而板
本流布經籍盛行俾學者無筆札之勞獲觀古人全書

雖衰朝之創興實萬世之良法也竊謂文章之盛衰可
以下世運之興替南唐跨有江淮鳩集墳典後主開宏
文館置詩易博士於秦淮設國子監橫經齒胄者千餘
人後復置廬山國學所統州縣亦往往立學方是時廢
立如吳越弑逆如南漢叛親如閩楚而南唐兄弟輯睦
君臣又安衣冠文物甲於中原不可謂非好文之效也
宋乾德元年平荆南詔收高氏圖籍以實三館二年命
右拾遺孫逢吉往西川取蜀法物圖籍得書萬三千卷
開寶九年平江南命太子洗馬呂龜祥就金陵籍圖書
得書十餘萬卷分配三館及學士舍人院其書校讎精
審編帙完具與他國書不同而趙元考家藏有澄心堂

書三千卷上有建業文房之印錢俶歸朝遣使收其圖
籍悉送館閣凡此皆五代圖籍之可考者也然迄今觀
崇文總目及宋史所載無從區別爲五代諸國所藏之
書今僅據五代人所自爲書廣爲搜輯倣前史經史子
集例分類而條列之名曰藝文志云爾

補五代史藝文志

陳垣同志遺書

書局藏

江甯顧樸三撰

同縣傅春官校刊

石經

石經舊在務本坊天祐中韓建築新城而石經委棄於野至朱梁時劉鄩鎮守長安從幕吏尹玉羽之請輦入長安城中置唐尙書省之西隅

右本宋黎持移石經記此唐開成石經

孟蜀廣政十四年冬十月詔勒諸經於石祕書郎張紹文寫毛詩儀禮禮記祕書省校書郎孫朋古寫周禮國子博士孫逢吉寫周易校書郎周德政寫尙書簡州平泉令張德昭寫爾雅字皆精謹

案晁公武讀書志所載有蜀石經周易十三卷 石
經尚書十三卷 石經毛詩二十卷 石經周禮二
十卷 石經禮記二十卷 石經左氏傳三十卷
石經論語十卷又志載論語爲張德鈞書可補吳任
臣十國春秋後蜀主本紀之缺而范成大石經本末
紀則以爲張德昭書

彭玕廬陵人事楚蒞全州刺史通左氏春秋嘗募求西
京石經厚賜以金揚州人爲之語曰十金易一筆百金
易一篇況得士乎

雕板九經

天成二年三月太常丞段永請國子監五經博士各講

本經以重橫經齒胄之義

長興三年二月中書門下奏請依石經文字刻九經印
板敕令國子監集博士生徒將西京石經本各以所業
本經廣爲鈔寫子細校讀然後雇召能雕字匠人各部
隨帙刻印廣頒天下

馮道傳道以諸經舛謬與同列李愚委學官田敏等取
西京鄭覃所刊石經雕爲印板流布天下其國子監五
經印板則太常博士李鏐所書也

長興三年命太子賓客馬縞等充詳勘九經官於諸選
人中召能書者寫付雕匠每日五紙

開運元年三月國子監祭酒田敏以印本五經進

補五代史藝文志
案玉海藝文部作田敏以印本五經字樣二部進凡
一百三十冊

乾祐元年五月己酉朔國子監奏周禮儀禮穀梁公羊
四經未有印板欲集學官考校雕造從之
廣順三年尙書左丞田敏以印板九經進
和疑傳疑有集百餘卷自鏤板行世

案此爲刻詩文集之始

蜀母昭裔貧賤時嘗假文選於交游間其人有難色因
發憤異日若貴當鏤板以貽學士後仕蜀爲宰相出私
財百萬刻九經及文選初學記白孔六帖行世

案馬端臨文獻通考經籍門以爲刻書始於後唐馮

道而沈存中筆談孔平仲說苑王仲言揮麈錄陶岳
五代史補并同然考猗覺寮雜記云雕印字唐以前
無之唐末益州始有墨本而石林燕語則謂唐柳玘
訓敘中和三年在蜀見字書雕本是唐時已有印板
矣至河汾燕閒錄有謂隋開皇十二年十二月敕遺

經廢像悉令雕撰

案此自指佛經

王新城尙書引之以爲刊

書之所自始然則雕板書固肇於隋行於唐擴於五
代精於宋信如胡應磨之說無疑也郎瑛七修類稿
又謂唐時不過閒有一二至馮道雕印五經由是典
籍皆爲板本當五代亂離之際而墳典流布嘉惠後
學天之不絕斯文信矣夫

易軌口卷 蒲虔撰 易題十卷 張道古撰 周易甘棠正義二

十卷 任貞撰 易龍圖一卷 陳搏撰 青城山人著撰歌一

卷 不著撰 易論三十三篇 王昭素撰 尙書廣疏十八卷

馮繼先撰 尙書小疏十三卷 同 古今尙書釋文一卷 郭忠

恕撰 春秋折衷三十卷 陳岳撰 春秋名號歸一圖二卷 馮繼

先撰 春秋名字異同五卷 同 春秋王伯世紀十卷 李琪

撰 撰案焦竑國史 左傳杜注駁正一卷 倪從進撰 孝經雌

圖一卷 皇靈孝經一卷 別序孝經一卷 越王孝

經新義一卷 以上并顯德中日本國僧奄然所進案文

昌雜錄別序者記孔子所生及弟子從學

之事新義者以越王爲問目釋疏文之義皇靈者止說

延年避菑之事及符文乃道書也雖圖者止說日之環

暈星之慧孛亦非奇書 又案相傳日本係徐福之後

福爲始皇求安期羨門挾童男女入海並載中國書籍

聞子夏易傳真本尙在近鮑氏廷博由海舶購得孔安

國孝經注前有太宰純序刊入知不足齋叢書內又山

井鼎七經孟子考校麟精審阮芸臺 爾雅音略三卷

所著十三經校勘記亦時采用其說 九經文字一卷 同 國

母昭裔撰 經典釋文十卷 張昭遠撰 子監校刊五經一百三十卷

右經部三百零四卷

天成元年九月命郎中庾傳美充三州搜訪圖籍使傳

美王衍之舊僚上言成都具有本朝實錄及傳美使回

所得纔九朝實錄及他殘缺雜書而已

長興二年五月知制誥崔棣上言請搜訪宣中以來野

史以備編修從之

三年十一月史館奏昨爲大中以來迄於天祐四朝實

補五代史纂要卷之五
錄尙未纂修尋具奏聞謹行購募敕命雖頒於數月圖書未貢於一編蓋以北土州城久罹兵火遂成絕滅難以訪求竊空歲月旣深耳目不接長爲闕典過在攸司伏念江左列藩湖南奧壤至於閩越方屬勳賢戈鋌日擾於中原屏翰悉全於外府固已富有羣書伏乞詔旨委各於本道采訪宣宗懿宗僖宗昭宗以來逐朝日厯銀臺事宜內外制詞百司沿革籍簿不限卷數據有者鈔錄進獻若民間收得或隱士撰成卽令各列姓名請議爵賞天福四年十一月史館奏請令宰臣一人撰錄時政記逐時以備撰述從之

六年監修國史趙瑩奏自李朝喪亂迨五十年四海沸

騰兩都淪覆今之書府百無二三臣等近奉綸言俾令撰述衰貶或從於新意纂修須案於舊章旣闕簡編先虞陋略今據史館所闕唐書實錄請下敕命購求況咸通中宰臣韋保衡與蔣伸皇甫煥撰武宗宣宗兩朝實錄皆遇多事或值播遷雖聞撰述未見流傳其韋保衡裴贄合有子孫見居職任或門生故吏曾記纂修聞此討論諒多欣愜請下三京諸道及內外臣僚凡有將此數朝實錄詣闕進納量其文武才能不拘資地除授一官如卷帙不足據數進納亦請不次獎勵以勸來者自會昌至天祐垂六十年其初李德裕平上黨著武宗伐叛之書其後康承訓定徐方有武甯本末之傳如此事

迹記述頗多請下中外臣僚及名儒宿學有於此六十年內撰述得傳記及中書銀臺史館日麻制敕書等不限年月多少并許詣闕進納如年月稍多記錄詳備特行簡拔不限資敘

顯德三年十二月詔曰史館所少書籍宜令本館諸處求訪補填如有收得書籍之家并許進書人據部帙多少等第各與恩澤如是卷帙少者量與金帛如館內已有之書不在進納之限仍委中書門下於朝宮內選差三十人據見在書籍各有真本校勘署校官姓名逐月具功課申報

舊唐書二百卷 劉昫撰 舊五代史一百五十卷 薛居正撰案薛

史雖成於宋然居正當顯德中已為吏部尚書紀傳所載多屬親見故附入五代 五代通錄

六十五卷 范質撰 五代紀七十五卷 孫沖撰 五朝春秋

二十五卷 王軫撰 史系二十卷 賈緯撰 備史六卷 同上

唐年補錄六十五卷 同上案五代會要起居賈緯奏曰伏以唐高祖至代宗已有紀傳僖

宗亦存實錄武宗至濟陰廢帝凡六代惟存五宗實錄一卷餘皆闕略臣今搜訪遺聞及耆老傳說編成六十

五卷日為唐朝補遺錄 梁列傳十五卷 張昭撰 後唐

以便將來史官撰述 列傳三十卷 同上 梁太祖實錄二十卷 張袞撰 末帝

實錄十卷 張昭撰 唐懿祖紀年錄一卷 獻祖紀年錄一

卷太祖紀年錄二十卷 莊宗實錄三十卷 并張昭遠等撰天成三年

十二月左補闕張昭遠狀嘗讀國書伏見懿皇帝自元和之初獻祖文皇帝於太和之際立功王室陳力國朝武皇帝自咸通後來勤王戮力翦平多難頻立大功三換節旄再安京邑莊宗皇帝終平大敦奄有中原儻闕

編修遂成湮墜請與當館修撰參序條綱撰太祖莊宗實錄四年七月監修趙鳳奏伏以凡關纂述務合品題承乾御宇之君行事方云實錄追尊冊號之帝約文祇為紀年請自莊宗一朝名為實錄其太祖以上并目為紀年
唐明宗實錄三十卷 姚顓張昭遠李祥吳承範楊昭檢等撰 唐

愍帝實錄三卷 唐廢帝實錄十七卷 并張昭遠撰顯德四年正月兵部尚

書張昭上言奉詔編修太祖實錄及梁唐二末主實錄竊以梁末帝之上有郢王友珪篡弒居位未有紀錄請

依宋書劉邵例書為元凶友珪其末主請依古義書曰後梁實錄又唐末帝之前有應順帝在位四月出奔於

衛亦未編紀請修閱帝實錄其清 晉高祖實錄三十卷 并實貞固賈緯

卷少帝實錄二十卷 并實儼王伸等撰 漢高祖實錄十

卷 蘇逢吉 漢隱帝實錄十五卷 并張昭遠天拙 周

太祖實錄三十卷 同上薛史張昭上言伏以撰漢書者先為項籍編蜀紀者首序劉璋貴神

器之傳授有因麻數之推遷得序伏緣漢隱帝君臨在太祖之前其歷試之績并在隱帝朝請先修漢隱帝實

錄以全太祖之事 周世宗實錄四十卷 王溥 顯德日麻一

卷 右史部共九百二十九卷

楊吳氏本紀六卷 陳濬 揖讓錄七卷 同上 吳錄二十

卷 徐鉉高遠喬舜潘祐等撰 泐上英雄小錄三卷 信都 吳書實

錄三卷 記楊行密事 邗溝要略九卷 南唐烈祖實

錄二十卷 元宗實錄十卷 并高 吳將佐錄一卷

高帝過江事實一卷 江南餘載二卷 不著 江南

錄十卷 徐鉉湯悅撰 江南野史一卷 鄭龍 江表志一卷

同 南唐近事一卷 鄭仁 南唐開基志十卷 王顏

帝唐書十五卷 許載 吳唐拾遺錄十卷 同上 金陵事

撰

南五代史文志

實二卷錢惟演撰 蜀書二十卷 後蜀高祖實錄三十卷

後主實錄四十卷 蜀祖經緯略一百卷 前蜀書

四十卷并李昊撰 續錦里耆舊傳十卷張緒撰 前蜀王氏

記事二卷毛文錫撰 後蜀孟氏記事三卷董道撰 金行啟

運錄二十卷庾傳昌撰 鑑戒錄三卷 廣政雜錄三卷何光遠撰

蜀廣政雜錄十五卷蒲仁裕撰 吳越備史十五卷錢儼託名

范桐林 備史遺事五卷錢儼撰 乾甯會稽錄一卷董

昌之叛不 著作者 錢俶貢奉錄一卷 家王遺事二卷 錢

氏慶系圖二卷 奉藩書十卷并錢惟演撰 戊申英政錄

一卷 忠懿王勳業志二卷并錢儼撰 湖湘事迹一卷

三楚新錄一卷 渚宮故事十卷 湖南故事十三卷

高氏世家十卷以上并不著作者 三楚新錄三卷周羽沖撰

楚錄五卷盧臧撰 渤海行年紀十卷曾顏撰 湖湘馬氏

故事二十卷曹衍撰 荆湘近事十卷陶岳撰 閩中實錄

十卷蔣文懌撰 王氏解運圖三卷林仁志撰 閩王審知傳一

卷陳致雍撰 閩王事迹一卷不著作者 晉陽聞見錄一卷王保

衡 劉氏興亡錄一卷胡賓撰 廣王事迹一卷 五國

故事一卷 十國載記三卷并不著作者 大原事迹雜記

十三卷李璋撰 許國公勤王錄三卷李巨川撰記歧王李茂貞事

太康平吳錄二卷張昭撰

右霸史類共五百八十一卷

汴水滔天錄一卷王振撰 朱梁興創遺編二十卷敬翔撰

莊宗召禍記一卷黃彬撰 幽懿錄一卷敘晉出帝陷虜事不著作

開運陷虜事迹一卷不著作 晉朝陷蕃記一卷

桑維翰傳一卷并范質撰 陷遼記一卷胡嶠撰 新野史十

卷題顯德元年終南山不名子撰 英雄佐命錄一卷 世宗征淮錄

一卷 濠洲干戈錄一卷并不著作 後史補三卷高若拙撰

大唐補記三卷南唐程匡撰 大唐實錄撰聖記一百二

十卷陳岳撰 續劉軻帝王照略三卷蜀馮鑑撰 正史雜編

十卷 五運錄十二卷并蜀楊九齡撰 歷代年譜一卷曹圭撰

五代史初要十卷歐陽顥撰 續皇王寶運錄十卷韋昭度撰

唐春秋三十卷郭昭慶撰 史彙雜著一百卷高遠撰 續

通麻十卷孫光憲撰 運麻圖三卷龔頴撰 三朝見聞錄一

卷不著作 中朝故事二卷尉遲偓撰 帝王年代州郡長麻

二卷杜光庭撰

右雜史類共三百六十卷

李襲吉表狀三卷案李襲吉武皇記室以書檄擅名一時 敬翔表奏集

十卷 李巨川啟狀二卷 馬郁表狀一卷案郁劉仁恭記室有盛名

黃台江西表狀二卷 王紹顏軍書十卷 毛文

晏雜制詔集二十一卷 咸通後麻制三卷 朱梁宣

底八卷 制詔二卷 後唐麻彙三卷 長興制集四

卷 江南制集七卷 彭霽啟狀二卷 羅貫啟狀二

卷 梁震表狀一卷 李宏皋表狀一卷 韋莊箋表

一卷 諫草二卷 羅隱湘南應用集三卷 吳越掌

記集三卷 啟事一卷 林鼎吳江應用集二十卷

孫光憲筆備十卷 李昊樞機集二十卷 商文圭從

軍彙二十卷 張易諫奏集七卷 王昭遠禁垣備對

十卷 杜光庭歷代忠諫書五卷 諫書八十卷 趙

元琪輯唐諫諍論十卷 唐諫諍集十卷

右表狀類共二百八十四卷

梁令三十卷 梁式二十卷 梁格十卷 梁循資格

一卷 邨殷象撰 後唐格令三十二卷 後唐統類目一卷

後唐旁通開元格一卷 天成長定格一卷 天成

雜敕三卷 新編制敕三十卷 清泰三年御史中丞盧

前十一年制敕可悠久施行者二百九十四道編為三十卷詔付御史臺頒行 天福編敕三

十一卷 律準一卷 王朴撰 顯德刑統二十卷 張昭撰

疑獄集三卷 和凝撰 刑統目一卷 刑律總要十二卷

刑律統類十卷 姜虔嗣撰 楊吳刪定格五十卷 江南

刪定條三十卷 昇元格令條八十卷 蜀雜制三卷

右格令類共二百七十卷

朱梁南郊儀注一卷 梁祭地祇陰陽儀注三卷 五

禮儀鑑曲臺奏議二十卷 五禮鏡儀六卷 寢祀儀

一卷 州縣祭祀儀一卷 并陳致雍撰 州郡鄉飲酒注儀

一卷 長興三年太常草定 新定書儀二卷 天成二年劉岳奉詔撰 玉堂

儀範三十卷 李琪撰 郊望論一卷 周彬撰 坤儀令一卷

大周通禮二百卷 并竇儼撰 續唐會要一百卷 五代

補五代史記

會要三十卷

并王溥撰

吳南郊圖記一卷

蜀禮部文場

內舉人儀則一卷

黃籙齋壇真文玉訣儀一卷 醮

章奏議十八卷

靈寶明真齋懺燈儀一卷 太上河

圖內元經禳苗九壇醮儀一卷

靈寶自然行道儀一

卷 并杜光庭撰

右儀注類共四百二十二卷

大周正樂譜八十八卷

寶儼撰

周優人曲辭二卷

歷

代樂歌六卷

并趙上交撰

樂賦一卷

王朴撰

蜀正樂三十

卷聲韻譜一卷

句中撰

大唐正聲琴譜十卷

補新

徵音一卷

陳用拙撰

國風總類五十卷

王仁裕撰

霓裳譜一

卷 李後主蜀後主撰

豔詞一卷

蜀後主王衍集

花閒集十卷

裴說集唐人詞

案孫氏書目題作蜀人趙崇祚編

宮詞一卷

花蕊夫人撰

南唐二主詞

一卷 陽春詞一卷

馮延巳撰

右聲樂類共二百四卷

說文解字繫傳四十卷

說文解字韻譜十卷

通輯

五音一千卷

并徐鍇撰案吳任臣十國春秋別有徐楚金說文解字通釋四十卷不知通釋即繫

傳通釋三十卷部敘二卷祛妄類聚錯綜疑義系述各一卷總名之繫傳自吳氏始悞分爲二書 補

說文解字三十卷

僧曇域撰

切韻搜玉二卷

劉熙古撰

義訓

十卷

寶儼撰

佩觿三卷

郭忠恕撰

汗簡集二卷

辨字圖

四卷 歸字圖一卷

正字賦一卷

并同上

林氏字說

二十篇 偏旁小說一卷

林罕撰

書林韻會一百卷

蜀孟

景

續古闕文一卷

孫晟撰

補五代史記

十一

右小學類共一千二百二十五卷

同光乙酉長麻十卷 晉天福調元麻二十三卷 調

元麻經二卷 調元麻立成十二卷 調元麻草八卷

并馬重績撰 周廣順明元麻一卷 王處訥撰 顯德欽天麻十

五卷 欽天麻經二卷 欽天麻立成六卷 欽天麻

草三卷 顯德三年七政細行麻一卷 并王朴撰 小麻二

卷 唐曹士蔭撰五代時馬重績本其法為調元麻 宣明麻二卷 宣明麻立

成八卷 宣明麻略要一卷 崇元麻經三卷 崇元

麻立成七卷 案梁初猶用宣明崇元二麻至馬重績造新曆晉高祖命司天少監趙仁錡張文皓

天文參謀趙延父杜昇杜崇龜等取宣明調元二麻與新麻參考得失頒行新麻而二麻廢不行 蜀

武城永昌麻三卷 南唐保大齊政麻三卷 胡秀林

正象麻經一卷 陳承勳中正麻經一卷 中正麻立

成九卷 胡萬頃太乙時紀陰陽二遯麻立成二卷

右麻算類共一百二十五卷

趙瑩君臣康教論二十五卷興政論一卷 韓熙載格

言五卷格言後述三卷 皇極要覽十卷 錢俶政本

十卷 徐鉉質論一卷 黃損三要五卷 邱光庭康

教論一卷 規書一卷 兼明書十二卷 徐融帝王

指要三卷 宋齊邱理訓十卷 李琪皇王大政論一

卷 劉鄂法語二十卷 黃訥家誠一卷 郭昭慶治

書五十篇 經國治民論二卷 王敏太平書十卷

劉子通論五卷 牛希濟理源二卷 治書十卷

右儒家類共一百八十八卷

雕板道德經二卷

和疑撰新序
天福中頒行

三家老子音義一卷

徐鉉注

道德經疏義節解二卷

喬颯撰

道德經義疏十

曾文儻注

道德經廣聖義疏三十卷

杜光庭注

汪老君說

十卷

緱嶺會真傳一卷

歷代帝王崇道記一卷

道經傳授年載記一卷

元門樞要一卷

道門樞要

一卷

道教神驗記二十卷

王氏神仙傳一卷

聖

祖歷代瑞見圖三卷

洞天福地記一卷

東瀛子一

卷

墉城集仙錄十卷

混元圖十卷

三教論一卷

大質論一卷

同上

補注莊子十卷

張昭撰

玉管照神

局二卷

天花經三卷

宋齊邱偽託

太元金闕三洞八景

陰陽仙班朝會圖五卷

孫光憲撰

賓僊傳三卷

何光遠撰

問

政先生聶君傳一卷

徐錯撰

神和子傳一卷

指元論

一卷

赤松子八誠錄一卷

九室指元一卷

并陳希夷撰

怡神論一卷

申天師撰

參同契分章通真義三卷

明

鏡圖一卷

彭曉撰

心賦注一卷

僧延壽撰

抱一子注一卷

同上

自然經五卷

尹玉羽撰

洞微志一百三十卷

錢易撰

太元經注三卷

張易撰

極衍二十四卷

周傑撰

湘湖神

僊顯異傳三卷

曹衍撰

譚子化書六卷

譚峭撰

演元十

卷

許洞撰

右道家類共三百二十四卷

異僧記一卷

鷲嶺聖賢錄一百卷

僧贊甯撰

要言二卷

通論十卷

同

華嚴經八十二卷

閩支提山

看經贊一

卷 法喜集二卷

佛國記十卷

馬裔孫撰

舍利塏記一

卷 高越撰

宗鏡錄一百卷

感通錄一卷

僧延壽撰

高僧

傳三十卷

續寶林傳四卷

閩僧寶聞撰

石刻金剛經一

卷 蜀刻

金字佛書一卷

司徒謝撰

金字心經一卷

李後主妃黃保

儀

右釋氏類共三百四十七卷

閩外春秋十卷

李筌撰

陰符經注一卷

同

人事軍律

一卷

符彥卿撰

五行陣圖一卷

同

制旨兵法十卷

張昭撰

六壬軍法鑿式三卷

胡萬頃撰

歲時廣記一百二十卷

撰

蠶書三卷

孫光憲撰

茶譜三卷

毛文錫撰

物類相感

志一卷

僧贊甯撰

四時纂要十卷

韓鄂撰

霧居子五卷

不著

者

續事始五卷

馮鑑撰

中華古今注三卷

馬縉撰

右雜家類共一百六十六卷

要術一卷

陳元京撰

案元京家世為醫長興中集平生所驗方七十件修合藥法百件號曰要術

刊石置太

意醫紀歷一卷

吳羣撰

廣政集靈寶方一

百卷

羅普宣撰

產保方三卷

周挺撰

保童方一卷

同

注蜀本草圖經二十卷

韓保昇撰

脈訣二冊

題高陽生撰劉元賓和歌

見孫氏

黍經一卷

朱遵度撰

人倫風鑑一卷

陳希夷撰

經一卷

李廷珪撰

墨圖一卷

同

碁經圖義例一卷

徐鉉撰

碁勢三卷

同

繫蒙小葉子格一卷

李後主周后撰

偏金

葉子格一卷

小葉子例一卷

同

梁朝畫目三卷

胡嶠

撰 繪禽圖經一卷 黃居實撰 古君臣象三卷 張攷撰 筆

設三卷 姜道隱撰 射法一卷 黃損撰 射書五卷 徐鉉撰

右技術類共一百五十卷

梁朝天下郡縣目一卷 新定十道圖三十卷 重修

河隄圖二卷 長興四年黃州進沿河地名歷歷可數 均田圖一卷 唐元稹撰

顯德中頒行天下 契丹地圖一卷 長興三年

契丹東丹 于闐國程錄一卷 高居誨撰 海外使程廣記

三卷 南唐章僚使高麗所記 南詔錄三卷 徐雲虔撰 燉煌新錄一

卷 蜀程記一卷 韋莊撰 峽程記一卷 同上 入洛記一

卷 南行記一卷 王仁裕撰 奉使兩浙雜記一卷 沈立撰

大梁夷門記一卷 王權撰 弔梁郊賦一卷 張策撰 汴

州記一卷 邱光庭撰 海潮論一卷 海潮記一卷 同上 吳

越石壁記一卷 錢鏐撰 九華山記二卷 僧應物撰 九華山

舊錄一卷 同上 武夷山記一卷 杜光庭撰 續成都記一卷

青城山記一卷 同上 禹別九州賦三卷 趙鄰幾撰 方輿

記一百三十卷 徐鍇撰 地理指掌圖一卷 稅安禮撰 地理

手鏡十卷 劉騰撰

右輿地類共二百七卷

開天遺事一卷 王仁裕撰 玉堂閒語三卷 金華子雜編

四卷 見聞錄三卷 唐末見聞錄八卷 入洛私書

一卷 同上 金鑿密記一卷 韓偓撰 廣陵妖亂志一卷 鄭延

唐末汎聞錄一卷 閻自若撰 唐摭言十五卷 王定保撰

廣撫言十五卷

何晦撰

金華子新編三卷

劉崇遠撰

北夢

璵言三十卷

孫光憲撰

貽子錄一卷

同上

無名氏耳目記

一卷 唐新纂三卷

石文德撰

妖怪錄五卷

皮光業撰

皮氏

見聞錄十三卷

啟顏錄六卷

三餘外志三卷

同上

國朝舊事四十卷

王溥撰

集說二卷

同上

北司治亂記

十卷

嚴道美撰

顯德二年小錄二卷

史館故事三卷

忠烈圖一卷

徐溫客纂輯

孝義圖一卷

同上

江淮異人錄

一卷

吳淑撰

李後主雜說二卷

稽神錄六卷

徐鉉撰

清異錄六卷

陶穀撰

賓朋宴語一卷

邱旭撰

雜說一卷

盧言

撰

五代登科記一卷

徐錯撰

登科記五卷

不著作者

符彥卿家譜一卷

釣磯立談二卷

史虛白撰

紀聞譚三

卷

潘遺撰

野人間話五卷

景煥撰

葆光錄三卷

陳纂撰

兩同書二卷

羅隱撰

南楚新聞三卷

尉遲樞撰

虬須客傳

一卷

杜光庭撰

錄異記十卷

同上

靈怪實錄三卷

曹衍撰

備忘小鈔十卷

文口撰

警戒錄五卷

周挺撰

報應錄三

卷

王穀撰

資談六十卷

范贊然撰

宋齊邱文傳十三卷

陳金鳳傳一卷

玉泉子見聞真錄五卷

入洛私書

十卷

江文秉傳

聾書十卷

沈顏撰

解聾十五卷

同上

鰕子

一卷

趙鄰幾撰

羣居解頤三卷

高擇撰

三感志三卷

楊九齡撰

滑稽集一卷

錢易撰

南部新書十卷

同上

筆述二十

卷

王朴撰

竹譜三卷

錢昱撰

筍譜十卷

僧贊甯撰

右小說類共四百一十六卷

羣書麗藻一千卷 目五十卷 朱遵度撰 鴻漸學記一千

卷同 古今記要十二卷 喬舜封撰 桂香詩一卷 同 古

今國典一百卷 徐錯輯 古今書錄四十卷 母昭喬撰 蜀王

建書目一卷 十九代史目二卷 舒雅撰 經史目錄七

卷 楊九齡撰 名苑五十卷 桂堂編事二十卷 要錄十

卷 同 歷代鴻名錄八卷 李遠撰 同姓名錄一卷 邱光庭撰

四庫韻對十八卷 陳鄂撰 十經韻對二十卷 同 詩

格一卷 鄭谷僧齊已黃損同輯 桂香集一卷 黃損輯 蜀國文英

八卷 劉贊輯 泉山秀句三十卷 黃滔選 雅道機要八卷

徐寅撰 賦格二卷 和凝撰 賦苑二百卷 目一卷 徐錯撰

廣類賦二十五卷 靈仙賦二卷 甲賦五卷 賦

選五卷 同 唐吳英秀七十二卷 江文蔚輯 桂香賦選三

十卷 同 修文要訣二卷 馬鑑撰

右總集類共二千七百三十二卷

羅紹威政餘詩集一卷 羅江東集一卷 李後主集

十卷 集略七卷 詩一卷 杜荀鶴唐風集三卷

敬翔集十卷 李琪金門集十卷 應用集三卷 李

愚白沙集十卷 五書一卷 和凝演綸游藝孝悌紅

藥簾金香奩六集共一百卷 賈緯草堂集二十五卷

續草堂集十五卷 王朴翰苑集十卷 李瀚丁年

集十卷 楊凝式詩一卷 李濤應歷集十卷 盧延

讓詩一卷 韋說詩一卷 封鼇翰林橐八卷 崔邁

集二卷 符載集二卷 扈蒙龍山集二十卷 李崧

錦囊集三卷 眞珠集一卷 高輦崑玉集一卷 馮

道集六卷 河閒集五卷 詩一卷 王仁裕紫泥集

十卷 紫泥後集四十卷 詩集十卷 紫閣集十卷

乘輶集十卷 西江集十卷 扈載集十卷 符蒙

集十卷 盧士衡集一卷 天成二年進士 熊敞屠龍集一卷

清泰二年進士 桑維翰賦二卷 張昭嘉善集五十卷 王

溥集二十卷 趙上交集二十卷 薛居正集三十卷

寶夢微東堂集三十卷 程遜集十卷 李爲光裴

然集五卷 李山甫文集十卷 羅紹威判官 薛廷珪鳳閣

集十卷 克家志五卷 案廷珪父逢著鑿混沌眞珠簾等賦爲時人所賞廷珪亦著賦

數十編同爲一集故曰克家志 韓偓詩一卷 入翰林後詩一卷

香奩集一卷 案香奩集係和凝嫁名 別集三卷 黃滔集十五

卷 莆陽御史集二卷 編略十卷 馮涓懷秦賦一

卷 文集十三卷 龍吟集一卷 長樂集一卷 南

冠集一卷 韋莊集二十卷 浣花集五卷 又元集

五集 羅隱淮海寓言七言甲乙集三卷 外集詩一

卷 江東後集二十卷 汝江集三卷 歌詩十四卷

讒本三卷 讒書五卷 徐融集一卷 陳陶文集

十卷詩一卷 江文蔚集三卷 徐凝詩一卷 錢宏

偓詩十卷 錢儼前集五十卷 案儼仍有後集五十卷係入宋後撰不錄

錢昆文集十卷 錢惟濬文集二十卷 錢惟治文集

十卷 沈崧文集二十卷 毛文晏西園集十卷 昌
城寓言集十五卷 東壁寓言三卷 吳越石壁集二
卷 王保洋源集二卷 庾傳昌玉堂集二十卷 青
宮載筆記二卷 李珣瓊瑤集一卷 孟賓于金黿集
一卷 牛嶠集三十卷 歌詩三卷 吳仁璧詩一卷
劉昌言文集三十卷 徐寅溫陵集十卷 探龍集
一卷 釣磯集三卷 書二十卷 賦五卷 別集一
卷 鄭良士白巖文集詩集十卷 中壘集十卷 邵
拙文集三百卷 廬嶽集一卷 韋穀集唐人才調集
十卷 田霖四六一卷 殷文圭集一卷 冥搜集二
十卷 登龍集十五卷 江爲集一卷 文丙集一卷

劉乙集一卷 伍喬集一卷 裴說集一卷 劉昭
禹集一卷 王穀集一卷 孫晟集五卷 沈文昌集
二十卷 王超鳳鳴集三卷 崔拙集二卷 邱光業
詩一卷 孫光憲荆臺集四十卷 紀遇詩十卷 鞏
湖編玩三卷 橘齊集二卷 楊懷玉忘筌集三卷
王俛後集十卷 張正西掖集十三卷 喬諷集十五
卷 李洪茂集十卷 句令言元舟集十二卷 商文
圭鏤欠集二十卷 筆耕詞二十卷 游恭東里集三
卷 廣東里集二十卷 短兵集三卷 朱潯昌吳啟
霸集三十卷 沈松錢金集八卷 郭昭慶芸閣集十
卷 李氏金臺鳳藻集五十卷 沈顏陵陽集五卷

程柔安居雜著十卷 宋齊邱祀元集三卷 孟拱辰

鳳苑集三卷 湯筠戎機集五卷 喬舜偃謠十卷

譚藏用詩一卷 廖光圖詩集二卷 孫魴詩一卷

侯圭賦五卷 陳搏釣潭集二卷 邱旭詩一卷 賦

一卷 倪曙獲稟集三卷 賦一卷 譚用之詩一卷

徐鍇集十五卷 徐鉉集三十二卷 湯悅集三卷

潘祐滎陽集二十卷 李建勳集二十卷 詩一卷

高越賦一卷 韓熙載擬議集十五卷 定居集二

卷 劉洞詩一卷 毛炳詩集一卷 顏詡詩集一卷

沈彬詩集二卷 張蟪詩一卷 李中碧雲集二卷

黃璞集五卷 章九齡潼江集二十卷 李堯夫梓

潼集二十卷 廖融詩集四卷 吳蛻一字至七字詩

二卷 李躍嵐齋集二十五卷 張安石涪江集一卷

李美夷江南集十卷 沈光集五卷 陳黯集三卷

鄭氏貽孫集四卷 養素先生遺榮集三卷 雲南趙

和雜詩賤一卷 趙宏詩集一卷 廖偃詩一卷 廖

凝詩一卷 王德輿詩一卷 張爲詩一卷 唐詩主

客圖一卷 崔道融申唐詩三卷 陳光詩一卷 韋

藹詩一卷 羅浩源詩一卷 薛瑩洞庭詩集一卷

劉威詩一卷 陳周拙詩集八卷 鄭雲叟擬峯集二

卷 王智輿偷江東集一卷 劉吉鈞鼇集一卷 鹿

園集一卷 徐仲雅集一百卷 田吉咲叟集二卷

唐求味江山人詩一卷 左偃集一卷 狎鷗集一卷

畫錦集宏詞前後集二十卷 李侯閣中集第九一

卷 僧曉微玉壘集一卷 僧貫休寶月集一卷 西

嶽集四十卷 僧贊甯內典集一百五十卷 外學集

四十九卷 僧彙征集七卷 僧棲白詩一卷 僧修

睦東林集一卷 僧齊己集十卷 蓮社集一卷 白

蓮編外集十卷 案李調元五代全詩作白蓮集十一卷 僧尚顏供奉集

一卷 荆門集五卷 僧曇域龍華集十卷 杜光庭

廣成集一百卷 壺中集三卷

右詩文集類共二千四百七十六卷

補五代史藝文志終

漢軼陽石門

畫象巖

汪嘉崇篆

光緒二十六年八月晦齋刊

序

古之金石文字奚重乎重其可以證經史異同也

漢石經尚

書女毋翁侮成人孔作汝無侮老成人秦泰山刻石窺輒遠黎民史記作親巡遠方黎民等是後之者

古弗察謂所重者初本焉而已于是流風相扇拱璧求

之甚有日不識丁脫所藏得以居奇亦儼然自接于文

雅嗚乎斯則陋于知意者之有以使之揆諸金石文字

之原盍有當耶上元張容園先生咸豐改元舉孝廉方

正生平酷好金石

有鐵硯齋三刻行于世漢司徒劉愷碑爲最工

儀徵吳讓之

熙載江甯陳秋濤宗彝皆其素共攷訂者然先生所求

則者古而不鑿古讀茲彙攷跋語益服先生之于金石

真能得其始意而非若好事者之徒重初本也光緒二

漢身陽石門書家真迹
十六年冬十一月江甯傅春官茗生父識于晦齋

同治元年四月十五日容園攜眷來泰州其同年黃
琴川涇祥留之授餐適館樂共晨夕越十六日容翁

遽以疾終附身附棺琴川獨任之可謂篤于友誼亦
容翁有以致之也遺詩真草未定者四冊及此石門
畫像釋文並容翁卒之五日前出以見示者余方許
以精拓本相贈縮摹入冊而尺波電謝傷如之何茲
哲嗣得口孫謙口口口先生欲爲付梓寓書來取尙
能速竣不啻起生人于白骨聞者感泣故亟書數語
以歸之是年八月二十日燈下儀徵吳熙載謹記

行人匆匆待發旅館亦無筆硯目力昏耗不能成字
閱者諒之容翁與余三十年金石交身後未能集力

刻此深負良友夫復何言

漢射陽石門畫象彙攷

上元張寶德輯

江甯傅春官校刊

嘉慶揚州府志

漢孔子見老子畫象共二石一石有題字今在寶應縣射陽聚案二石今僅存一石乾隆五十年江都汪中以此一石昇歸江都道光九年其子戶部山東司員外郎喜孫送入寶應縣學將甜置學宮戟門外之東塾後移置畫川書院講堂中

翁方綱兩漢金石記

江南寶應縣地名射陽者有古墓焉土人呼爲夷齊墓蓋傳訛也墓有漢刻石二其一高五尺三寸闊二尺凡

畫三層上層孔子見老子象孔子在中面左老子在左
面右弟子在後手執束幣八分書題三行曰孔子曰老
子曰弟子中層模糊不可辨下層三人并食器烹魚煮
腍鼎者其一高與闊稍殺之亦三層上層大鳥中層獸
首銜環下層一人執刀楯者禮明堂位疏曰舞者左執
楯右執斧謂此武舞此蓋其遺意與周禮夏官司兵掌
舞盾鄭注云五盾干櫓之屬其名未盡聞也詩秦風蒙
伐有苑疏龍盾是畫龍于盾則知蒙伐是畫物于伐左
傳蒙之以甲以爲櫓櫓是大楯故爲中干伐皆盾之別
名也蒙爲雜色知苑是文貌今見此畫其干伐櫓盾之
類與大約此刻畫象與洪氏隸續所錄沈府君江原長

諸刻相近也

又詩洪稚存以寶應漢畫碑見貽感賦

漢時墓闕如畫壁洪相訪之汪聖錫但云益部充與荆
那及江淮近搜剔射陽邨石聞之久吾友江劉爲屢覓
邇來聞落汪生手後有洪君生感激千里緘包墨猶暈
兩紙蒼茫拜初覲鄱陽昔著驂與輿恨未山原稽厯厯
此云弟子侍在旁得非敬叔裳衣褻左右不與隸續侔
贊幣應從禮圖折題榜者三隸書六樸氣使我懷增惕
戲錢肱鼎異或同獨獸銜環狀如趯惜無金恭處土字
欲與武梁祠刻敵牛礪童敲定幾年蒲坂西山太荒渺
作詩報洪兼訊汪善護緘箱外加幕我續南宮畫史詩

漢身圖石門畫象集
一補龍眠研池滌

又題寶應漢畫碑詩

吾聞漢石經遠匹周石鼓華陰與河內結體誰復覩又
聞武梁祠騁技雕文縷仲章季章輩撰擇書家矩一仿
中郎爲定獨畫師祖江原上庸石曠絕罕儔伍金鄉蹟
僅存永建題最古讓此三榜書差可六經補江介人家
冢卑溼近邨塢寥寥懷在昔圭璋儼文府揖讓幣帛陳
聲容干伐舞漢京經師遺一物猶記取藉非片石留焉
識鄱陽詰武梁舊墨本響榻十得五云出宋褫裝元氣
斲斤斧此畫泐不完此字森敢侮犧尊在堂阼鳳鳥不
毛羽庶庭聞堂絲禮器問鄒魯

又武氏祠堂畫象詩

虞書觀象遠莫追豐侯圖形見者誰今之正書祖漢隸
畫手曷弗東京規西川稚子聞已泐我始訪得射陽碑
云詩末自注云子嘗以黃小松所貽肥城畫象並孫
季逵所貽嵩山畫象洪稚存所貽射陽石門畫象同裝
自題其室曰三漢畫齋

王昶金石萃編

寶應縣孔子見老子畫象共二石一石有題字高五尺
四寸廣二尺一寸畫三層上層題字共三榜今在寶應
縣射陽聚此象爲門人汪子中所貽汪子來書云寶應
東七十里射陽聚爲漢射陽古城多古墓曰雙墩者有

石門畫象遂取掃拓之以公同好蓋自淮以南東南至于海西南至于徼外漢刻之存者惟溧水校官碑及此石耳而此石有先師遺象尤可寶貴今汪子久沒已不知石之所在矣其畫象與黃司馬所得孔子見老子畫象相同題曰寶應縣者所以別于濟甯州學之碑也

程瑤田爲汪容甫射陽畫象拓本跋

江都汪容甫博學工文詞好金石之文於寶應平家莊得漢石門畫象一子攷漢墓刻畫古人者見趙岐傳此畫孔子見老子象殆是類與植柱而樹之者建鼓也大射儀注所謂以木貫而載之者也跗刻獸厚脣短脰考工記所謂羸屬以爲簠是也靈屋詩箋言筍簠以魚鐘

鼓是鼓亦懸於筍簠歟其上橫木筍也從筍盤繞交綺而下者所謂鱗屬以爲筍者也知爲鱗屬者以腹下排次有蛇跗之狀也下層一人剖魚一人執爨納薪手持挺以關其薪之在竈外者竈上置鑊一熱氣蒸蒸上鼎在旁蓋將烹魚以升之一人司酒酒在罍爲交午畫者河鱗也杯六形皆狹長淮南子所謂闕面於槃水則圓於杯則橢蓋杯橢圓也烏雞啄蛇頸龍文虎背者鳳也鳳有冠亦戴羽與鍾會孔雀賦戴翠毛以表弁或又言其細頸隆背似鳳雄者尾長此其孔雀與不敢知矣環有所銜者二其一門鋪首其一結於帶者珮環也此施巾宜爲珮環人左執楯右持兵兵末刻一邊者刀也五

盾異於五兵者鈍而不銳故大盾得櫓者珮環文飾兵
盾武事也江南漢石僅潘乾校官碑傳於世茲畫足攷
古人名物制度更足寶貴容甫其善藏之乾隆丙午閏
月十日記

錢大昕潛研堂金石文字跋尾續

右孔子見老子畫象二旁有標題曰孔子曰老子曰弟
子其圖象位置與武氏石室本各異本在寶應縣之平
家莊卽古射陽縣地錢唐吳孝廉春澗知縣事爲予訪
得之漢人墓道多立石闕刻聖賢象如趙岐魯峻李剛
武梁皆然此石亦必墓前物而志乘未之及鄉人或指
爲伯夷叔齊象由未見其題識而以意度之爾今爲江

都汪容甫取去

阮元廣陵詩事

漢石闕二在寶應朱孝廉彬嘗爲文記之爲江都汪君
容甫所知以錢五十千募人竊歸其一爲孔子見老子
及力士庖厨等物象容甫榜其門曰好古探周禮嗜奇
竊漢碑其一爲寶應縣令沈之水中不知其處

又甘泉山獲石記

揚州無古石唐以上卽罕觀昔惟汪君容甫在寶應得
漢射陽畫象石

孫星衍寰宇訪碑錄漢碑類

射陽石門畫象八分書無年月乾隆間爲汪容甫中所

漢身陽石門畫象集卷五
得江蘇江都

江藩漢學師承記汪中傳

嘗從射陽湖項氏墓得漢石闕孔子見老子畫象因署其堂曰問禮

洪頤煊平津讀碑記

右射陽石門畫象在寶應縣東七十里射陽聚今爲汪容甫取歸江都凡二石孔子見老子象孔子居中西面老子居左東面一弟子在孔子後西面與濟甯州學宮家不同中層中間有如今之佛座有一人赤身居其上左右侍立者一人皆可辨餘如翁氏所釋

汪喜孫跋尾

乾隆五十年先君有事實應得石門畫象於射陽之雙墩案射陽爲漢項伯封國見史記項羽本紀及漢書高祖功臣表項籍傳項伯墓疑卽在此此石乃其墓門之一或據府志以爲袁術墓前物案後漢袁術傳云術欲北至青州劉備徼之不得過後走還壽春六月至江亭歐血死妻子依廬江太守劉勳據此則袁術不死於廣陵射陽非其封郡無因遠葬於此府志謂袁術墓前畫人物衣冠甚精誤疑此石爲其墓前物也此石蒼黑色質甚堅叩之其聲清越以長以漢建武尺度之高五尺五寸闊二尺三寸刻象二面其一系列孔子老子南宮敬叔三象南宮敬叔執束帛立孔子後與孔子並拱立面

右老子面左八分書題名於各象之右曰孔子老子弟子案漢書功臣表項伯以惠帝三年薨據此則墓石當立於孝惠初紀今觀題名六字爲八分書知八分非始於靈帝時張懷瓘謂秦羽人王次仲所作殆不誣也其以孔子老子並列者案史記南宮敬叔與孔子俱適周問禮於老子漢人尊信孔子又好求仙人羨門之屬故援問禮一事畫象刻石使孔子老子並傳於世其曰弟子者南宮敬叔也其下畫象爲筍簾又其下畫象爲庖厨有剖魚者先君謂指昭公饋鯉事以上俱陰文其一上列蜚廉蜚廉神禽也揚州畫舫錄以爲鳳凰非是中列蚩尤圈兩漢金石記以爲獸首銜環形蓋卽謂此下

列甲士左手執盾右手持刀凡三層皆陽文各畫石爲界攷漢趙岐營壽臧圖季札子產晏嬰叔向四象著于史策此外如郭巨魯恭李剛朱浮魯峻董浦路君王稚子范皮鄧君太尉公朱鮪武梁諸祠墓畫象不可悉數其武梁祠孔子見老子畫象與此大同小異先君旣得此石因顏其居曰問禮堂又以所藏將軍虎符陳逆簠羅列一室署曰周玉齊金漢石之館後製楹帖曰學古通周禮探竊漢碑又曰家有射陽畫象身典金山秘書其寶玩如此

劉文淇跋尾

右漢射陽石門畫象陽文第二層翁氏以爲獸首銜環

程氏以爲門鋪首汪君以爲蚩尤圈案程氏說是也太平御覽一百八十八引風俗通曰門戶鋪首百家書云輸般見水上螽謂之曰開汝頭見汝形螽適出頭般以足畫圖之螽引閉其戶終不可開設之門戶欲使閉藏如此固密也案此則茲圖所畫鋪首當是螽形圖于墓門者亦取閉藏固密之義與環亦鋪首飾御覽引說文曰門扇環謂此鋪首是也程氏以爲珮環非又案水經渭水篇又東過長安縣北注云舊有忖留神象此神嘗與魯班語班令其人出忖留曰我貌醜卿善圖物容我不能出班于是拱手與言曰出頭見我忖留乃出首班于是以脚畫地忖留覺之使還沒水故置其象于水中

惟背以上立水上案此與門鋪首畫螽事相類又同出魯班螽象其卽忖留與

劉寶楠寶應圖經

諸家所釋漢射陽石門畫象及由寶應移江都事甚詳案唐章懷太子賢注後漢書臧洪傳云射陽故城在今楚州安宜縣東舊唐書志上元三年改安宜爲寶應康熙寶應志雍正揚州志乾隆江南志並云寶應縣東七十里射陽鎮漢縣故城王氏引汪氏所云是也江平莊在射陽鎮西十里漢射陽縣地錢氏所云是也惟江平誤作平家程氏亦然太平寰宇記箕山在寶應東六十里方輿紀要箕山惟土阜百餘圖經射陽阜東臨射陽

湖其邱干數卽此汪氏所云雙墩卽箕山諸阜之一寶
應名勝紀畧射陽有小墩有斷碑鐫曰伯夷叔齊墓莫
識何人翁氏所云夷齊墓錢氏所云伯夷叔齊象本此
碑今不存其鐫文拓本亦未之見江氏謂此爲射陽侯
劉纏墓汪君喜孫本之而闢或說袁術墓之非案府縣
志術墓在縣治南三百步本不在射陽其說不駁自明
水經注沔水上聳水又東逕七女冢元嘉六年大水墳
崩得一磚刻云項氏伯無子七女造塋世人疑是項伯
冢史漢並云伯嗣子睢非無子酈氏之失固不足辨然
必謂射陽石門卽項伯墓以意揣測亦無所據墓有二
石闕亡其一其一存者兩面畫各三層翁氏王氏以爲

二石非程氏阮氏以爲一石是也錢氏云右孔子見老
子畫象二者其一指武梁祠堂孔子見老子畫象今在
濟甯州學故此畫爲第二非謂此畫有二石也其一石
亡者阮氏云寶應令沈之水中案汪氏移碑時吳君春
澗爲縣令吳君訪得以告錢氏其必知所寶貴沈此石
者必非吳君未識何人其尺寸翁王二家之說不同汪
君所言近是然亦小有參錯今以建初尺度之石兩面
皆長五尺五寸二分寬二尺四寸五分其陽文畫邊四
面相距長五尺二寸寬一尺七寸九分陰文畫邊四
面相距長五尺二寸四分寬一尺九寸五分其陰文第二
層畫建鼓栒簾之兩旁如羽毛垂下案詩有瞽崇牙樹

羽正義漢禮器制度云爲龍頭及頷口銜璧璧下有旄
牛尾明堂位周之璧翬注云周人畫繒爲翬載以璧垂
五采羽其下樹翬于簨之角上案此象羽毛垂下其爲
旄牛尾無疑然無龍頭璧翬又不于簨端而于簨傍未
詳其故簨紉爲虎豹形程氏據攷工記梓人知爲羸屬
是也梓人云以爲鐘簨此鼓簨知亦爲虎豹形者說文
云簨鐘鼓之柎也飾爲猛獸據此知鐘鼓虞柎皆飾以
虎豹也戴氏震考工記圖曰羸者所以負簨非爲虞下
之柎西京賦洪鐘萬鈞猛虞趙趙負筍業而餘怒乃奮
翹而騰驤薛綜注云當筍下爲兩飛獸以背負段氏玉
裁說文注曰靈臺有瞽傳皆曰植者曰虞橫者曰柎張

揖注上林賦曰虞獸重百二十萬斤以俠鐘旁俠同夾
此可見虞制顏師古改其注云以懸鐘則昧於古制矣
廣韻引埤倉錄樂器以夾鐘削木爲之與張注同今本
廣韻作形似夾鐘則非矣又考上林賦揅飛虞廣韻引
正作簨張揖曰飛簨天上神獸鹿頸龍身是長卿謂虞
爲神獸許謂柎虞皆飾以猛獸說不同也案簨筍柎一
字虞虞錄一字戴氏段氏謂猛獸飾在柎下不在虞下
案考工記云由其虞鳴不云由其柎鳴則謂在柎下非
也西京賦及薛綜張揖所云皆以虞爲神獸與考工記
及毛詩相背不足憑也廣韻引埤倉錄樂器以夾鐘謂
虞爲兩植木夾一鐘與詩禮合非以虞爲神獸不足以

漢書禮書卷之五
證張揖之說也許謂虞飾猛獸不謂柶飾猛獸段氏申
許柶虞並言牽合已說非許義也鼓左右隱隱有人形
當是鼓吏惜其冠服之制不可見第三層畫三人一人
剖魚上有器橢圓者六案隸續載五君杯梓文云五君
之旁有捲各三中圓上下橢黃伯思云圓者代梓橢者
代杯案此則橢圓者杯程氏所云蓋本于此杯上有形
如牛首倒銜環不知何物剖魚人左一人手撫器圓如
規其上交午畫不知何物程氏以午畫爲河鱗又云司
酒酒在壘今畫象無壘無以知其司酒亦無以定其午
畫爲河鱗也此一人上有器模糊不可辨其左一人執
罍人上器形方竈上器形圓文皆午畫竹器也詩采蘋

維筐及筥傳方曰筐圓曰筥其筐筥歟筥下有器蓋罍
屬翁氏謂脰鼎程氏謂鼎在旁今畫無鼎形也其竈墻
爲五錢連絡文其猶今之竈墻以草石灰和水傳而畫
之歟其陽文第一層大鳥戴勝程氏以爲鳳又以爲孔
雀案異物志孔雀頭戴三毛以爲冠左九嬪賦戴綠碧
之秀毛是也此鳥戴勝非戴三毛以爲孔雀非也山海
經海內西經云開明北鳳凰鸞鳥皆戴馘郭注馘音伐
盾也似此鳥爲戴盾之鳳然蛇尾豹文又復非鳳案漢
書武帝紀元封二年作長安飛廉館應劭曰飛廉神獸
能致風氣者也晉灼曰身似鹿頭如雀有角而蛇尾文
如豹文水經注穀水篇引灼說同與此畫象正合汪君

漢身陽石門書身身方
以為飛廉是也第二層獸首銜環案隸續沈府君神道
左碑大鳥戴勝其下獸首若虎而角環在口已闕其爪
據之與此碑一層二層所畫絕相類江原長碑一獸銜
環若虎有角金恭闕旁有龍虎銜環意漢人畫象多為
此形程氏以為門鋪案漢書五行志中木門倉琅根謂
宮門銅環顏師古注銅色青故曰倉琅鋪首銜環故謂
之根不言鋪為獸首形哀帝紀孝元廟殿門銅龜蛇鋪
首鳴如淳曰門鋪首作龜蛇之形而鳴呼也師古注門
之鋪首所以銜環者也則亦非獸首形劉君所云近是
王氏引之經義述聞余見周紀侯鐘甬之中央近下者
附半環焉為牛首形而以正圓之環貫之乃鐘之鈕所

謂旋蟲謂之幹也考工記名之為蟲孟子名之為蠡劉
君所言信矣第三層一人左持盾右持刀知為刀者釋
名刀本曰環形似環也此兵本為環形故知是刀程氏
及汪君所云是也案周禮五兵無刀築氏所為曲刀書
刀也非兵器孔叢子曰秦王得西戎利刀刀之為兵始
於此歟

朱士端宜祿堂收藏金石記

今刻於
彊識編

吾邑射陽多漢人古墓此其墓門之石刻也乾隆間始
出土江都汪容甫先生移歸其家後四十年厥嗣喜孫
字孟慈官戶部時士端計偕入都言於孟慈請將原石
送還寶應今在城內東隅畫川書院振秀堂是石畫象

正面中層下界筍處上有人形跌坐者諸家皆未攷及
士端案鄉射記云命弟子升設豐聶氏三禮圖云豐作
人形戴杆爲戒據此知古人燕飲必設豐器以示酒戒
此卽豐侯之豐也許氏說文豐字下云一曰鄉飲酒有
豐侯者阮湛曰豐國名坐酒亡國崔駰酒箴云豐侯沈
酒荷罍負缶自戮于世圖形戒後李尤豐侯銘云豐侯
荒謬辭亂迷迭乃象其形爲禮戒式觀此畫豐侯器形
蓋卽漢時說禮家制度足證其石爲漢刻無疑武氏祠
堂畫象亦有列豐侯者大興翁氏詩云豐侯圖形見者
誰又云我始訪得射陽碑鄙見此條暗與翁詩相合惜
翁氏未明據以攷其實也平津讀碑記謂如今之佛座

赤身居其上者何其未之審耶下層左邊一人手執圓
器中爲疏布文者當是其籩巾之類所列鹿豕行竈等
物武氏前石室畫象與此畧同又一石刻飛鳥獸首舞
盾者乃是其石之陰翁氏分爲兩石云其高與闕稍殺
之誤矣凡石闕本二此闕汪君僅得一石其一石沈之
水中遂失所在鄉俗呼爲伯夷伯齊墓疑卽沈水中之
石或云曾見有畫題夷齊象者土人不知而譌爲伯夷
伯齊墓也又建鼓兩旁有二人執椎擊鼓其形今雖剝
蝕尚可辨明惟豐器左右亦各一人隱隱似侍立狀去
豐步武較遠各在石之邊界人多置而不搨余嘗屬邪
上戴君彥生精搨全幅但此二人漫漶已甚存其形似

而已孫氏訪碑錄云在江蘇江都其時當未送歸寶應也道光冬庚子吾鄉同人有重修縣志之舉屬余考訂金石時於此畫象多所疏陋茲者復加詳審附於諸家之後以質當世之講求金石者今歲仲春上元張容園徵君轉徙寓做邑夏四月過訪訂交見余拙著說文校訂本攷藏金石記等書勸付梓人願稿本繁多鏤板無力先就彊識編選數事爲余校刊又蒙謬許此攷豐侯器形足補諸家所未備檢入是編余因系之以圖俾攷古者便于對勘焉徵君甫到斯地卽訪畫象感賦詩一章持以示余遂增刻于拙跋後以志其嗜古之勤徵君又搜輯諸君攷釋彙爲一帙將另鐫單行本傳之同好

爰綴述之于此余老矣猶得同志友相與切磋抑何其幸耶歲在辛酉秋九月旣望朱士端銓甫識于吉金樂

石山房

時年七十有六

觀漢射陽石門畫象歌

并序

張寶德

此石自汪容甫先生訪得後金石家各有攷證茲不贅述余嚮藏拓本係儀徵吳君讓之所贈其爲初出土之物兩面完好字畫分明拓手亦精較近時石之磨滅者迥不相同癸丑吾鄉遭粵匪之亂避難時未暇攜出因念江南所存漢石僅校官碑在溧水縣學宮屢經兵燹想當燬去惟此畫象巋然獨存甚可寶貴丙辰之秋余避地至淮安道出寶應下舟訪之而

未見常以爲憾今春轉徙斯邑幸獲觀之感而作歌
以紀其事時辛酉三月三日

江左貞珉漢代遺僅有瀨水校官碑昨遭兵燹再三
次未識存亡遠系思厥後金陵天璽碣三段復爲祝
融滅打本弄藏世所稀我乃鉤錄板又沒惟茲畫象
石全完近出射陽之湖灘諺傳墩有楚王墓石門倒
臥枕波瀾一石沈埋一石起長據慮僂尺倍蕝上繪
宣聖向老聃並肖主賓相見禮分書三列各題名後
執帛以弟子稱峩冠山立衣楚楚望之儼然敬心生
中央筍虞形隱約下卽魚羞烹鼎鑊其陰飛鳥獸銜
環一人舞盾勢磅礴粵稽漢畫始武梁濟甯石室開

祠堂帝王聖賢古事蹟刻畫書識榜分行鄱陽洪氏
箸隸續縮付梓人數十幅泰室石闕孝堂山餘多圖
譜不勝錄後獲此石兩面鐫當補歐趙所未編惜無
年月何從攷疑與五鳳相後先述學先生真嗜古昇
至江都快先睹後來移置安宜城却似去珠還合浦
同觀旁刻姓名標誰其書者安吳包慟哉多歸道山
路皆余昔年文字交諸子尙存延陵客曩蒙手贈拓
以墨別久何時聯古懽重論吉金與樂石我今避地
居是邦賃廡言尋皋伯通訪求片石可與語聊且慰
我窮途窮

右詩旣成就正于朱銓甫丈遂訂金石交因示余以

畫象攷其于筍簾後審爲豐侯器形足補諸家所未備是其平日熟習禮經尤于漢學實事必求其是故識見卓爾不羣至攷訓詁金石猶其餘事耳今夏屬余校訂其所著彊識編付剞劂氏因將此跋選入編中欲待同志者先睹爲快也埏綴數語以誌欽佩云是歲秋七月二十又四日寶德并識

又案諸家所識畫象語各不同寶應劉楚楨先生于眾說所漏者補之其未確者復糾正之攷據最爲詳博可謂集大成矣以無金石箸錄專書編入其所撰寶應圖經彙本甫成而先生卽下世其遺書爲令嗣叔俛文學恭冕謹藏待梓祕不示人今夏余過訪請

觀是書遂舉以示余因就抄此跋合各家及朱丈所攷者埏以拙作彙爲一卷擬刻而傳之同好焉八月朔日寶德又識時口月合璧五星聯珠舉世相傳爲瑞事也爰喜而隨筆于此



